

Varios trahador di diferente compania intoxica despues di a come cabaron

ORANJESTAD (AAN) - For di bon fuente redaccion di DIARIO a ricibi e informacion cu un cantidad basta grandi di trahadornan a bira malo despues di a come na un restaurant na e refineria. Un di e empleadonan di un compania a splica na redac-

cion: "E no ta normal cu como sesenta cu mi sa di nan, y cantidad mas di persona a bira malo Diasabra anochi, despues di a participa den un cena na un restaurant den oranan lat di anochi," segun Victor Hernandez cu ta traha

na un di e companianan. Trahadornan di e diferente companianan a reuni na e restaurant pa comparti un rato ameno, mientras cu e plato tabata consisti di entre otro cabaron, pero mester lamenta cu casi tur a bira malo. Entre trahadornan tabata tin

Mexicanonan, Venezolanonan, Mericanonan, Turconan y demas nacionalidadnan di e diferente companianan cu mester a bay cas malo, afecta pa loke nan a come. Empleadonan aki, cu ta

como 500 ta trahando riba un proyecto, segun e fuente di informacion cu a splica personalmente na DIARIO, cu stranhero mester keda cu nan boca sera sin bisa nada, pasobra nan tin miedo di perde nan trabao, aunke e no tin miedo. Pero, segun e empleado e ta haya esaki algo hopi serio cu mirando e enorme cantidad di hende cu a bira malo, esaki a sosode Diasabra anochi, pero ainda Diadomingo anochi hopi trahador mester a bay cas ya cu nan tabata sinti malo y no por a traha.

Meteo pronto lo bay tin su propio maneho cu su propio Director Arubiano

ORANJESTAD (AAN): -- Durante ultimo conferencia di prensa di Gobierno Minister di Transporte y Turismo Eddie Briesen a menciona cu Servicio Meteorologico di Aruba lo worde independiza for di Antiyas Hulandes y cu e meteorologo Arubano drs Mark Oduber lo tuma na su encargo mando di dicho de-

partamento mirando su capacidad y estudio cu el a caba.

Relaciona cu esaki, DIARIO a dicidi di tuma contacto cu señor Oduber pa tende su opinion.

Den combersacion cu drs Oduber el a informa DIARIO cu e tambe a tende via medionan di comunicacion cu Gobierno Arubano tin pensa di independiza Meteo Aruba, como un di e ultimo departamentonan cual despues di Status Aparte di

Aruba tin te ainda su hefe situa na Curaçao.

Segun Oduber e ta sinti cu desde e momento cu Gobierno di Aruba a cuminsa menciona cu nan ta bay independiza Meteo Aruba for di Curaçao, e como e unico Meteorologo na Aruba, su bida na trabao, a worde haci amargo y parse cu todo por todo, esnan cu tin beneficio den e structura actual kier deshaci di dje, pa asina Aruba no por logra su meta.

Señor Oduber como idealista y no materialista ta masha contento cu por fin Meteo Aruba lo bay traha ariba su mesun pia, cual lo faborece Aruba masha hopi.

Esaki a ser expresa tambe pa minister durante su declaracion haci den e conferencia di gobierno.

Meteorologo Oduber a comenta tambe cu segun reglanan di ICAO y WMO e independizacion aki lo no trece problema.

Algun di e companianan tabata tin cuatro trahador malo cu mester a bay cas, otronan mas cu diescincu y asina e companianan mester a manda varios trahador cas cu a bira un cantidad halto.

Algo sigur, ta cu despues di a come cabaron tur hende a bira malo y hasta tin un cu a bira asina malo cu mester a keda interna na hospital," segun e trahador na un di e companianan.

Homber a dispara bala di scopet

ariba su ruman

ORANJESTAD (AAN): Polis a drenta den accion relaciona cu dos ruman a parti sla riba otro, na dado momento uno a pasa man pa un scopet y a dispara cu consecuencia riba su ruman. Na Central di polis a drenta informe cu presencia di polis ta wordo solicita na un direccion den Bubali.


Patruxa cu a presenta, a haya nan confronta cu problema entre dos ruman homber. Segun e informe, e dos rumannan tabata tin un discusion cu lo a sali for di man. E ruman di inicialnan A.G. di 44 aña durante di e discusion lo a rabia y e no por a domina su emocion y a haci uso di un scopet di aire y a dispara un tiro den direccion di su ruman di inicialnan E.G. di 41 aña. E proyectil cu a sali for di e arma a dal E.G. den su sinti y el a keda herida. Segun version policial E.G. lo a scapa na wowo di angua.

E ruman agresor A.G. considera peligroso, pa colmo tabata bao di su awa y el a keda deteni.

E arma lo a wordo confisca como evidencia.

Polis tambe a listra e sospechoso y den su poder a wordo descubri cigarria di marihuana.

ELECCION TA DEN PORTA!!



E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM